

ԿԱՐԵՆ ՄԱԹԵՎՈՍՅԱՆ

Պատմական գիտությունների թեկնածու

ՀՈՎՀԱՆՆԵՍ ՍԱՐԿԱՎԱԳԻ ԳՈՐԾՈՒՆԵՈՒԹՅՈՒՆՆ
ԱՆԻՈՒՄ

Հայ միջնադարի ամենամշանավոր գործիչներից էր Հովհաննես Սարկավագը՝ բանի-
քուն վարդապետ, աստվածաբան, փիլիսոփա, մատենագիր, տոմարագետ, մանկավարժ,
երաժշտագետ, բանաստեղծ։ Սկզբնաղբյուրները նրան ծագումով համարում են Փառիսոս
գավառից, քահանայական տոհմից։ Վաղ հասակից ուսանել է Հաղբատի վանքում, իր քե-
ռու մոտ, ապա աշակերտել Գեորգ Ուռնացի մշանավոր վարդապետին¹։

Հովհաննես Սարկավագի բազմադյուն կյանքը կապված է եղել երկու կենտրոնների
հետ՝ Հաղբատի վանք և Ամի քաղաք։ Հաղբատում ուսում է առել, հմտացել գիտության
մեջ, այնուհետև եկել է Ամի, գլխավորել տեղի վարդապետարանը, գրել իր երկերի մի մա-
սը, որոնք անհրաժեշտ էին ուսումնական գործընթացի համար։ Եղել է ժամանակի ամե-
նահեղինակավոր վարդապետներից մեկը, հանրագիտակ անհատ։ Վարքագիրը նրա մա-
սին ասում է. «Յամենայն դեմս բանի եւ գործոյ, տեսութեան եւ յառաջբերութեան, գրելոյ եւ
ըմբռնելոյ, պատմագրութեան եւ վարդապետական վերլուծութեան, մարգարեականին եւ
առաքելականին այնպէս կատարելագոյն գտաւ, որպէս եւ ո՛չ ոք ի միմմ միայն համբաւ-
եալ...»²։ Նրա մասին մեծարանքով են խոսում պատմիչներ Սամվել Անեցիմ, Վարդան
Արևելցի, Կիրակոս Գանձակեցի, Մխիթար Այրիվանեցի և ուրիշներ։ Կյանքի վերջում
Հովհաննես Սարկավագը կրկին վերադարձել է Հաղբատ, մահացել ծեր հասակում 1129
թվականին։ Հաղբատում պահպանվել է նրա տապանաքարը։

Հովհաննես Սարկավագը մատենագրական հսկայական ժառանգություն է թողել, որը
դեռևս չի ուսումնասիրվել ամբողջությամբ մեջ։ 1956 թ. Ա. Աբրահամյանը հրատարակել է
«Հովհաննես Իմաստասերի մատենագրությունը» ժողովածուն, ուր տեղ են գտել Սարկա-
վագի պատմագիտական, մաթեմատիկական, տոմարագիտական, փիլիսոփայական և
գրական որոշ երկեր, սակայն զանց են առնված «կրոնական հայտնի և անհայտ գործե-
րը»³, որոնք պիտի հրատարակվեին առանձին գրքով, բայց չհրատարակվեցին։

Սարկավագի կյանքի ու աշխատությունների մասին (ըստ գործունեության և գիտական
ուղղությունների) բազմաթիվ հրապարակումներ են եղել⁴։ Ստորև մեր նպատակն է պահ-

¹ Հովհաննես Սարկավագի վարքում նշված «Ուռնացի» վարդապետին իրավացիորեն Գեորգ Ուռնացու հետ
է նույնացնում Կ. Մելիք-Օհանջանյանը։ Մարթեոս Ուռնայեցին և Վարդան Արևելցին Գեորգ Ուռնացուն կոչում
են «վարդապետ Հայոց», «լուսաւորիչ Տաւոս Հայոց»։ Այսին է շուրջ 100 փարի, մահացել 1091 կամ 1093 թ. և
թաղվել Կամրջաձորի վանքում։ Կիրակոս Գանձակեցի, Պարմություն Հայոց, աշխարասիրությամբ Կ. Մելիք-
Օհանջանյանի, Երևան, 1961, էջ 2։

² Ա. Աբրահամյան, Հովհաննես Իմաստասերի մատենագրությունը, Երևան, 1956, էջ 120։

³ Նույն փնդում, էջ 350։

⁴ Ղ. Աբիշան, Սարկավագ սոփեսոս, Յուշիկը հայրենեաց Հայոց, հ. Բ., Վենետիկ, էջ 279-307։

ռուցված և ամբողջովին գտնվում էր արքունիքի հովանավորության ներքո»⁹։ Մինչդեռ Հովհաննես Սարկավագի ապրած ժամանակներում Ծեղդադյան ամիրաների իշխանության տակ գտնվող Անիում համահայկական նշանակություն ունեցող բարձրագույն դպրոց կարող էր բացվել միայն եկեղեցական բարձր հովանավորության պայմաններում։ Ինչ վերաբերում է դպրոցի ուղղվածությանը, ապա այն տալիս էր հոգևոր բարձրագույն կրթություն, որը ներառում էր ժամանակի գիտության բոլոր հիմնական ուղղությունները։

ԺԱ դարի վերջերին Անիում կարճ ժամանակով վերականգնվեց Կաթողիկոսական Աթոռը, երբ Գրիգոր Վկայասերի (կթղ. 1066-1105 թթ.) համաձայնությամբ Հաղբատում կաթողիկոս ձեռնադրվեց ու հանդիսավոր երթով Անի եկավ Բարսեղ Ա Անեցին (կթղ. 1081-1113 թթ.)։ Նրա կատարած կարևոր գործերից մեկը պիտի համարել Անիում կաթողիկոսարանի վարդապետարանի վերաբացումը։ Դեռևս Արգինայից սկզբնավորվող, ապա մայրաքաղաքում գործող բարձրագույն հոգևոր դպրոցն էր, որ կրկին կյանք առավ Բարսեղի հոգածությամբ և ժամանակի նշանավոր վարդապետ Հովհաննես Սարկավագի ուսուցչապետությամբ։ Այս էր պատճառը, որ բարձրագույն կրթություն ստանալու համար Սարկավագի մոտ էին գալիս Հայոց երկրի տարբեր ծայրերից, վարքագրի բնորոշմամբ՝ որպես «իմաստութեամբ զանձուց վաճառականք», Անիում ուսանելով՝ դառնում «ուսուցիչք և լուսաւորք ոգով», և վերադառնալով իրենց գավառները՝ վարդապետի պատգամները տարածում ողջ Հայաստանում՝ «...նորայն առասացութիւնք լցին զոլորտս Հայաստանեայց»¹⁰։

Կենսագրի վկայության այս մասն ոճով է արձանագրվում նաև Հովհաննես Սարկավագի ընդօրինակած, խմբագրած Սաղմոսարանի տարածումը՝ «գոր վերահասու եղեալ մեծ իմաստասէրն Հայոց հոգեխառն վարդապետն սուրբ Յովհաննէս մականունն Սարկաւագ, որ... գտեալ... թարգմանչագիր Սաղմոսարանն և պարապեալ ի յայնմ յաւորս բազումս, ի լոյս էած... և ցրուեաց ընդ ամենայն սահմանս Հայաստանեայց»¹¹։

Այն, որ Հովհաննես Սարկավագը զբաղվել է ոչ միայն տեղական (Հաղբատ, Անի), այլև համահայաստանյան խնդիրներով, երևում է տոմարական բարեփոխման ուղղությամբ նրա կատարած աշխատանքից։ Հայոց տոմարի նախընթաց պատմությունը ցույց է տալիս, որ տոմարական խնդիրները, որոնք եկեղեցական տոների կարգավորման տեսանկյունից առաջնային նշանակություն ունեին, միշտ էլ լուծվել են Հայոց Կաթողիկոսի և ժամանակի նշանավոր վարդապետներից մեկի համագործակցությամբ։ Ջ դարում նման գործակցության մեջ էին Մովսես Բ Եղիվարդեցին և Աթանաս Տարոնացին, է դարում՝ Կաթողիկոս Անաստաս Ակոռեցին և Անանիա Ծիրակացին, ուստի ԺԱ դարում էլ Հովհաննես Սարկավագ վարդապետի կողքին պետք է տեսնել Բարսեղ Ա Անեցուն։ Իրավացի է Մ.

⁹ Ա. Մովսիսյան, Նշվ. աշխ., էջ 243։

¹⁰ Ա. Արքահամյան, Նշվ. աշխ., էջ 120։ Անիի դպրոցում դասավանդվող առարկաների, ուսումնական գործընթացի և այլ հարցերի մասին Նշվում է վարդապետի վարքում, որի հեղինակը այդ մասին փնդելիս գտել է Սարկավագին ծանոթ անձանցից։ Այս հարցերի մասին ավելի հանգամանորեն փնդ. Ա. Արքահամյան, Նշվ. աշխ., էջ 26-27, 120-121, Ա. Մովսիսյան, Նշվ. աշխ., էջ 410-420։

¹¹ Ե-ԺԱ դդ. հայերեն ձևապրերի հիշարվակարաններ, աշխատասիրությամբ Ա. Մաթևոսյանի, Երևան, 1988, էջ 157։

Այսպիսով, Հովհաննես Սարկավազն Ամիում գրադվում էր մանկավարժությամբ, մասնավորապես հարցերով և իր սաներին էլ այս ուղղությամբ անհրաժեշտ գիտելիքներ տալիս, որի մասին մշտնապես էր անդամակերպվում։ «...կրթեր, արկաներ ի գիրս նուրբս եւ դժուարալուրս...», Յետ այսորիկ ի խոյզ եւ ի քնին ընթացից լուսաւորացոյ մտեալ, տայր գումարել ի միատեսակ եւ յանստերիւր թիւս տոմարի, զուշ եւ զակն ոգւոց։ Եւ տեղեակ առնէր տօնից կարգաւորաց եւ փոփոխմանց ամսոց եւ ամսանակաց եւ եղանակաց...»²⁰։ Այս գիտելիքները լավագույնս կիրառեց միայն սաներից մեկը՝ հետագայում Ամիի Մայր տաճարի ավագներէ հարձած Սամվել Ամեցիւն, որը Եվսեբիոս Կեսարացոյ Քրոնիկոնի սկզբունքով կազմեց Ադամից մինչև իր օրերը հասնող ժամանակագրություն, մասնաւորապէս տոմարագիտական աշխատությունը՝ «Մեկնութիւն տոմարի»²¹։ Սարկավազի՝ Ամիի աշակերտներից պատմության մեջ հիշվում են մասնաւորապէս Ամարիկ և Սարգիս Կունդ վարդապետները, մասնաւորապէս իսախատուրը, Գրիգորը, Հովհաննէսը²²։

Ամիում Հովհաննէս Սարկավազն առաջին հերթին պատրաստել է գրքեր, որոնք անհրաժեշտ էին ուսումնական գործի համար։ Ինչպէս կենսագիրն է մշտնապէս «ամենայն մտեալս եւ խամրացեալ գիտութիւնք, որ ի տգիտութենէ... ծածկեալ աղաւաղեցան, որ ի մախմեացն, սորին աշխատաւան երկովք եւ արագութեամբ մտաց զարդարեցան եւ ցնծացան անձինք տեսաւէր եւ խաւէր արանց»²³։

Ամացիայի գիտամշակութային ժառանգության վերահանումը կարևորում էր դեռևս Գրիգոր Մագիստրոսը, երբ Ամիում մտադրեց Պետրոս Գետադարձ Կաթողիկոսին գրած թղթերում հորդորում էր ուսումնական գործընթացում կիրառել Ամանիա Օիրակացոյ Քննիկոնը, որը գտնվում էր կաթողիկոսարանում։ Ընդհանրապէս Ամիի կաթողիկոսարանում, արքունիքում, եկեղեցիներում բազմաթիվ արժեքավոր մատյաններ էին պահվում²⁴, պակաս հարուստ չէր մասնաւորապէս վանքի մատենադարանը։ Սակայն 1045 թ. Բագրատունյաց թագավորության անկման, ապա սելջուկյան ներխուժման ու երկրի ծանր վիճակի հետևանքով այդ գրավոր հարստությունը անուշադրության էր մատնվել։ Այն վերստին կյանքի կոչելուն էին ուղղված Հովհաննէս Սարկավազի ջանքերը։ Ձեռագրերում պահպանված մատենագրական տարբեր միավորների խորագրեր, հիշատակարաններ ու այլ տվյալներ

դիկտություններ։ Վկայասերն անգամ կայուն աթոռանիստ չունէր և որոշ իմաստով կաթողիկոսական լիազորությունները հանձնէր Էր Բարսեղ Անեցուն։ Վերջինս հնագույնէն կամ վերացնէր հակաթոռ կաթողիկոսությունները։ 1105 թ. մահամբձը Վկայասերի կանչով Բարսեղը գնաց Քնստնի հայկական իշխանություն։ Գրիգոր Վկայասերի մահից հետո նա մինչև կյանքի վերջը (1113 թ.) այլևս Ամի չվերադարձավ։ Հաջորդ կաթողիկոսը՝ երիտասարդ Գրիգոր Գ Պապականի (կթ. 1113-1166 թթ.), որոշ ժամանակ անց Քնստնից տեղափոխվեց Ծովք ամրոց, երկու անգամ փորձ կատարեց հաստատվել Ամիում, սակայն ապարդյուն։ Ի վերջո 1150 թ. հաստատվեց Զոմկլայում։

²⁰ Ա. Արքախանյան, Եզ. Բախ., էջ 121։

²¹ Ա. Արքախանյան, Սամվել Անեցոյ տոմարական և քրիստոնեական աշխատությունները, «Էջմիածին», 1952, Ա, էջ 30-36։

²² Մամուլ Անեցի, Հաւաքմունք ի գրոց պատմացրաց, աշխատասիրությամբ Ա. Տեր-Միքայելի, Վաղարշապատ, 1893, էջ 128 (այսուհետև՝ Անեցի)։

²³ Ա. Արքախանյան, Հովհաննէս Իմաստասերի..., էջ 120։

²⁴ Կ. Մաթևոսյան, Ամի, Ս. Էջմիածին, 1997, էջ 225-240։

վկայում են, որ բազմաթիվ հանրահայտ հեղինակների մատյաններն ու գործերը անցել են Սարկավագի ձեռքի տակով, ճշտվել, «տուրգաբանվել»²⁵ կամ «երկրորդվել», ինչպես նաև ճշվում է Եվանթիոս Կեսարացու «Եկեղեցական պատմության» պարագայում²⁶: Սարկավագը «Ամիի դպրոցում դասավանդելու ժամանակ սրբագրել, խմբագրել, արտագրել է հայ վազը «Ամիի դպրոցում դասավանդելու ժամանակ սրբագրել, խմբագրել, արտագրել է հայ վազը «Ամիի դպրոցում դասավանդելու ժամանակ սրբագրել, խմբագրել, արտագրել է հայ վազը»²⁷:

Հովհաննես Սարկավագն Ամիում զբաղվել է նաև գիտական ստեղծագործական ու գրական գործունեությամբ: Ս. Արևշատյանը նշում է, որ Հովհաննես Սարկավագը «եղավ բնափիլիսոփայական ուղղության ձևավորողը հայ իրականության մեջ»²⁸: Նա անդրաբնափիլիսոփայական արտահայտած մի շարք մտքերին, ինչպես, օրինակ՝ «առանց քննելու և փորձելու չի կարելի ընդունել որևէ պնդում», «առանց փորձի կարծիքը չի կարող ճշմարիտ համարվել», «ոչ թե խոսքն է հաստատում իրի ստուգությունը, այլ իրը՝ խոսքի, և սրանից ելնելով պետք է փնտրել ճշմարտությունը» և այլն՝ դրանց ի հայտ գալը կապելով քաղաքների զարգացման հետ, «որոնք կյանքի էին կոչել գիտության մոր ճյուղեր, հետաքրքրություն առաջ բերելով ճշգրիտ գիտելիքների նկատմամբ»²⁹:

Հատկապես քաղաքային միջավայրում առկա տարբեր կրոն ու դավանանք ունեցող հասարակական խմբերի համակեցության և մասնավորապես քրիստոնյաների համերաշխության գիտակցումով է պայմանավորված հայ միջնադարյան իրականության մեջ դավանական հանդուրժողականության սկզբունքները պաշտպանող գործունեության ի հայտ գալը³⁰: Այս առումով հայտնի են Մխիթար Գոշի և Վարդան Այգեկցու հայացքներն ու համապատասխան գրությունները, սակայն նրանց մասնավորապես Հովհաննես Սարկավագը, որի դավանաբանական գործերում հստակորեն առաջ է քաշվում դավանական հանդուրժողականության անհրաժեշտությունը³¹:

Քաղաքային միջավայրում ծնունդ առած աշխարհայացքային մոր միտումներն իրենց արտահայտությունն են գտել նաև «Յովհաննու Սարկավագի իմաստասիրի եւ վարդապետի ասացեալ բան իմաստութեան ի պատճառս զքօսանաց» խորագրով պոեմում: Այս մեծարժեք և հանգամանորեն ուսումնասիրված ստեղծագործության մանրամասները չենք կայացնելով՝ մեջբերենք Աս. Մնացականյանի եզրահանգումները. «Բան իմաստութեան»

²⁵ «Կարգադրութիւնս քրոց սրոց, որք ստուգարանցան ի Սարկավագ վարդապետէն...» տնն Է. Հարությունյան, Մխիթար Այրիվանցի, Երևան, 1985, էջ 115:

²⁶ Ա. Արրահամյան, Հովհաննես Իմաստասիրի..., էջ 137:

²⁷ Զրիստոսյան Հայաստան, հանրագիտարան, Երևան, 2002, էջ 632:

²⁸ Հայ ժողովրդի պատմություն, հ. 3, Երևան, 1976, էջ 339:

²⁹ Նույն տեղում, էջ 341:

³⁰ Պ. Մուրադյան, Դավանական հանդուրժողականության և ազգամիջյան համերաշխության գաղափարները ԺԲ-ԺԴ դդ. Հայաստանում, «Գանձասար», Դ, 1993, էջ 95-109, Կ. Մաթևոսյան, Անի, էջ 190-192:

³¹ Մեսրոպ քհն. Արամյան, Եզր. աշխ., էջ 76-78: Սարկավագի դավանաբանական աշխատություններն ուսումնասիրելով՝ հեղինակը դրանք բնութագրում է որպես «ԺԱ-ԺԲ դդ. արևելաքրիստոնեական մշակույթի կարևորագույն կոթողներից մեկը» (նույն տեղում, էջ 45):

յան» պոետում մշակված է մի թարմ թեմա՝ մարդու և բնության հարաբերության հարցը. ա) Բնությունը ի դեմս Սարյակի, արվեստների սկզբնաղբյուրն է, որից սովորել ու սովորում է մարդկությունը, բ) Մարդկությունն անարդար է, որ հալածում է բնության ստեղծագործ ուժերին: «...Բան իմաստության» պոեմի մեջ քննված արվեստի հարցերը ծնվել են Անիի միջավայրում զարգացած մշակութային ընդհանուր ցվածումների հիման վրա»³²:

Նկատենք, որ, իհարկե, Անին Հովհաննես Սարկավագի ժամանակ Բագրատունյաց շրջանի փայլը չուներ, սակայն դա մի ժամանակ էր, երբ իր ուրույն դիմագիծն էր ձեռք բերում քաղաքային դասը: Քաղաքի մահմեդական տերը՝ մոր կողմից ծագումով հայ Մանուչե ամիրան (1065-1110 թթ.), իր իշխանության առաջին տարիներին քալ առ քալ վերացնում էր Ալփախանի գործած ավերածությունների հետքերը և քաղաք հրավիրում հեռացած հայ ազնվականներին³³: 1072-ից քաղաքի եպիսկոպոս դարձած, իսկ 1081-ին կաթողիկոս ձեռնադրված Բարսեղ Անեցին ավելի մեծ թափ հաղորդեց Անիի քաղաքացիության դիրքերի ամրապնդմանը: Այս շրջանում Անին շարունակում էր պահպանել արհեստավորական ու առևտրական, մաս եկեղեցական ու մշակութային կենտրոնի համբավը, հայության գիտակցության մեջ մնում էր որպես «քաղաքամայր»: Իրավացի է Մ. Աբեղյանը, երբ գրում է. «Արդարև Բագրատունի թագավորների օրով արդեն Անիում... մեծ ձգտում և ջանք կար գիտությունը նորոգելու հայերի մեջ և այդ ձգտման ու ջանքի ներկայացուցիչն էր Գրիգոր Մագիստրոսը, բայց իսկական կատարողը, գլուխ բերողը եղել է Սարկավագ Վարդապետը: Նա շարունակել է Անի քաղաքի գործը, անպայման մաս այս քաղաքի ազդեցությամբ...»³⁴:

Այժմ ավելի մանրամասնորեն անդրադառնանք Հովհաննես Սարկավագի պատմագիտական գործերին կամ, ինչպես սովորաբար մշվում է, «կորած պատմությանը»:

«Հովհաննես Իմաստասերի մատենագրությունը» գրքում Ա. Աբրահամյանն առանձին մի ենթավերնագրով անդրադառնում է հեղինակի «պատմագիտական աշխատություններին»: Նա գրում է. «Հովհաննես Իմաստասերի աշխատություններից, ըստ մատենագրական տեղեկությունների, արժեքավոր գործ է համդիսացել մրա Պատմությունը: ...Հովհաննեսի այդ կորած Պատմությունը, Ալիշանի կարծիքով, բաղկացած է եղել երկու մասից. առաջին մասում շարադրված է եղել սկյութացիների պատմությունը՝ սելջուկների համդես գալը, մրանց արշավանքները, Տուղրիլ բեկի, Մահմուդի, Ալփախանի պատմությունները և այլն, իսկ երկրորդ մասում շարադրված է եղել Մելիքշահի պատմությունը»³⁵: Այնուհետև նա գրում է, որ այդ կարծիքը ճիշտ չէ, քանի որ կարծեցյալ առաջին մասը Սամվել

³² Աս. Մնացականյան, Եզվ. աշխ., էջ 38:

³³ Վարդան Արևելյան Մխիթար Անեցուց օգտվելով այս մասին հաղորդում է. «...երբ անը քաղաքին գՄանուչե... յաւելու ի պարիսպն Անույ և յամրութիւնս տորա: Եւ ած ի քաղաքն զամենայն մնացեալ իշխանս: Եւ որպէս մեծա հանդէսի ընդ առաջ կեալ մուծանէր ի ներքս Գրիգորն գորդին Վասակայ՝ զթոռն Ապիրաբին... զի փոք իր մեծ զօրաց և բազում ազապաց: Եւ իր եղբայր փոք Բարսղի, որ... ձեռնադրեցաւ ի Հաղարապ կաթողիկոս հրամանաւ և կամօք Մանուչէի և ամենայն Հայոց: Եւ շինեցաւ քաղաքն Անի ոչինչ պակաս քան զառաջինն»: Վարդան Արևելյան, Տիեզերական պարմություն, Երևան, 2001, (րնագիր) էջ 108:

³⁴ Մ. Աբեղյան, Եզվ. աշխ., էջ 70:

³⁵ Ա. Աբրահամյան, Հովհաննես Իմաստասերի..., էջ 34:

Անեցին չի գտել, ուստի դա առանձին գործ է եղել, և եզրակացնում է. «Ինչպես տեսնում ենք... Հովհաննեսի պատմական աշխատություններից մենք ունենք ո՛չ թե մեկ, այլ երկու կորուստ»³⁶: Կորած առաջին գրքի մի հատված, ըստ Ա. Արրահամյանի, տեղ է գտել Հաղպատի «Ջյոթուկում»: Այստեղ պատմվում է, որ 1110 թվականի օգոստոսի 13-ին Հաղպատում միաբանները ենթարկվել են սելջուկների անակնկալ հարձակմանը, սակայն կարողացել են անվնաս վանքից դուրս բերել իրենց մոտ գտնվող կյուրիկյան Դավիթ թագավորին³⁷: Միանգամից ասենք, որ 1110 թվականի դեպքը չէր կարող ընդգրկվել Ալիսալանի (մահ. 1072 թ.) թագավորությանը ավարտվող երկում:

Հովհաննես Սարկավագի սելջուկներին վերաբերող գրությունների մասին առաջինը հայտնում և դրանցից մեջբերումներ է կատարում նրա սան Սամվել Անեցին: Նա իր «Հալաքնունք ի գրոց պատմագրաց յաղագս գիտ ժամանակաց անցելոց մինչև ի ներկայս ծայրաքաղ արարեալ» վերնագրով ժամանակագրությունը գրել է Կաթողիկոս Գրիգոր Գ Պահլավունու (կթդ. 1113-1166 թթ.) պատվերով: Ժամանակագրությունն ավարտում է 1163 թվականով³⁸: Անեցին թեև ընդհանրապես գրել է շատ համառոտ, իր խոսքերով՝ «կարճ ի կարճոյ», սակայն պատվիրատուի պահանջը կատարելով (կաթողիկոսն այդ ժամանակ հարաբերությունների մեջ էր Ամիի ամիրայի հետ և սելջուկների պատմության իմացության կարիքն ուներ) ավելի հանգամանորեն է անդրադարձել սելջուկներին և մասնավորապես Մելիքշահին: Վերջինիս մասին պատմիչի հաղորդումներն ուղղակի մեջբերումներ են Հովհաննես Սարկավագի գործերից:

Սամվել Անեցին իր պատվիրատուին սովորաբար բացատրություններ է տալիս Սարկավագի գրություններից քաղվածքներ ներկայացնելիս: Արաքներից հետո սելջուկների գերիշխանության հաստատման մասին գրում է. «Սկիսեացոցն (սելջուկների, Կ. Մ.) առնուլ զբռնակալութիւն այսպիսի պատճառաւ: Ընթերցաք գրեալ վարդապետին մեծի, որ Սարկաւագ վերակոչի անուանեալ, զի ասէ. թէ...»³⁹: Հատվածի վերջում ավելացնում է. «Ջայսուսիկ նշանակաւ գրոյ եցոյց մեզ Խմաստասէրն մինչեւ ցՄելիքշահն, զոր յիրում տեղւոյն գրեցից, սորին ձեռնադրութեամբ»: Ծարունակելով և Մելիքշահի նախնիների անունները տալով՝ Անեցին նշում է, որ ինքը ժամանակին տեսել է Սարկավագի գրությունը նաև նրանց մասին և եթե մատյանը գտնի, կվերաշարադրի. «Իսկ զհարն նորա (Մելիքշահի, Կ. Մ.) ժամանակ՝ զարիւնախաննին Ալիսալանայ եւ զնորին հարն եւ հաւուց, զոր Տուղլուպէկ եւ Մահմուտ եւ Սարչուկ անուանք են նոցա, տեսաք երբեմն գրեալ սորին (Սարկավագի, Կ. Մ.) ձեռաք, ստոյգ գտակաւ, եթէ հանդիպիմք մատենին եւ մեք շարագրեսցուք եւ թէ ոչ, լքցուք...»⁴⁰: Ինչպես երևում է, Սամվել Անեցին Սարկավագի այդ գրությունը չի գտել: Հետաքրքիր է, որ Սամվելի՝ Մելիքշահի նախնիների պատմության

³⁶ Նույն տեղում, էջ 35:

³⁷ Նույն տեղում, էջ 35, 136:

³⁸ Կ. Մաթևոսյան, Սամուել Անեցու «Ժամանակագրության» ավարտման թվականը և պարավիրարուն, «Պարմա-բանասիրական հանդես», 1992, թիվ 1, էջ 156-162, Սամուել Անեցի (կենսագրական լրացումներ), «Էջմիածին», 2003, 2, էջ 47-57:

³⁹ Մաթևոսյան, ձեռ. թիվ 5619, էջ 88թ, Անեցի, էջ, 97:

⁴⁰ Մաթևոսյան, ձեռ. թիվ 5619, էջ 89թ, Անեցի, էջ, 98:

փնտրտուքը շարունակել է մրա կրտսեր ժամանակակից պատմիչը՝ Մխիթար Անեցի⁴¹:

Ալիսալանի մահվան մասին մեղուց հետո Սամվել Անեցի գրում է. «Աստուծոյ զխոստացեալ պարտսն հատուցից զմնացումսն բանից, զոր եղող հարկ տեղոյն այնորիկ այսու պատշաճեալ ժամանակի: Զի ասէ Իմաստասէրն աստուածային՝ թէ «Իբրեւ առնոյր զփառս իշխանութեան բարեբաղուն Մելիքշահ...»⁴²: Ժարոմակությունն ընդարձակ մեջբերում է Սարկավագի այժմ կորած երկից, ուր հիմնականում փառաբանվում է Մելիքշահը: Հատվածի վերջում պատմիչը մշտում է, թե այս ամենն Իմաստասերն ասաց Մելիքշահի կյանքի մասին (որը տիրեց 20 տարի), իսկ հետո ինքը կգրի մասն մրա մահվան մասին ասածը. «Արդ՝ ասաց զայս զկենաց մորա, որ տիրեաց ամս Ի (20) իսկ զկնի գրեցից զոր ինչ վասն մահուան է ասացեալ»⁴³: Քիչ անց, խոստումը կատարելով, պատմիչը գրում է Մելիքշահի մահվան, բայց մաս՝ քրիստոնյաների և մասնավորապես հայերի մկատմամբ մրա ունեցած բարյացակամ վերաբերմունքի մասին: Անեցին դարձյալ մեջբերում է կատարում Սարկավագից՝ չմոռանալով մեծարանքով հիշել մրան. «Ախորժելի եղեւ բանիւք դրոստիւք վարդապետին սրբոյ գրել եւ խոստանալ դարձեալ գրել արուեստաբան եւ երկայն ճառիւք: Եւ ... այսպէս է գրեալ, թէ ...»⁴⁴:

Ինչպես տեսնում ենք, Սամվել Անեցին կատարել է պատվիրատուի պահանջը և հնարավորինս մյուսեր քաղել սելջուկների մասին: Համառոտաբան ժամանակագրի երկում այդ հատվածներն այնքան մկատելի են, որ հաջորդ դարի պատմիչ Կիրակոս Գանձակեցին իրավացիորեն գրում է. «...մինչեւ ցՄելիքշահ սուլթանն գրեալ էր զպատճառ տիրելոյն մոցա մեծիմաստ վարդապետին, որ Սարկաւագն կոչէր, եւ երկրորդեալ էր Սամուէլ քահանայ...»⁴⁵:

Անեցին Սարկավագից քաղած եւ մի տեղեկություն ունի՝ 1097 թ. խաչակրաց առաջին արշավանքի և մրանց մկատմամբ բյուզանդական Ալեքսիոս Ա կայսեր ցուցաբերած թշնամական վերաբերմունքի մասին, որը գրելուց հետո մշտում է. «Եւ այս բանքս գրեալ էր վարդապետին Սարկաւագին»⁴⁶:

Այսպիսով, Հովհաննես Սարկավագը Սամվել Անեցու ժամանակագրության մեջ առա-

⁴¹ Մխիթար Անեցու այժմ կորած բնագրից մեջբերում անելով՝ Վարդան Արեւելցին գրում է. «Պատուական երեցն Մխիթար Անեցին... այսպէս ասէ. «Յոյով աշխատք եղէ զգրանկ զորպէսն սուլթանացն, որ ի թուրքաց և գրի շնորհօքն Աստուծոյ, այսպէս՝ Մահմուտն...Սրբթանայ որդի, յաննշանից մնւացեալ...: Իսկ յառաջադէմն ի թուրքացն՝ որում անուն էր Մուսափաղոյ Մաքսուքեայ որդի...: Եւ փոխէ գնա Արփասլան հօրեղորորդի Տուրքիին, որ կից զամենայն աշխարհ արեւմտ եւ... հասանէր յաթոռ թագաւորութեանն Մելիքշահն, բարի եւ խաղաղարար...»: Վարդան Արեւելցի, (րնագիր) էջ 99-102: Ինչպես րեսնում ենք, Մխիթար Անեցին ղովարությամբ է գրել սելջուկների պատմությունը, որը և իր երկում մեջ է բերել: Այն հասցնում է մինչև Տուրքի Բ (1177-1187 թթ.), «որ կայր միչ է պարմագիրս», եզրափակում է Արեւելցին՝ նկարի ունենալով Մխիթարին: Դարելով ոճից ու ժամանակագրական րնդգրկումից՝ այս պատմությունը Սարկավագի գրածը չէ:

⁴² Մարենադարան, ձեռ. թիվ 5619, էջ 98ա, Անեցի, էջ 115:

⁴³ Մարենադարան, ձեռ. թիվ 5619, էջ 99ա, Անեցի, էջ 116:

⁴⁴ Մարենադարան, ձեռ. թիվ 5619, էջ 99բ-100ա, Անեցի, էջ 118-119:

⁴⁵ Կիրակոս Գանձակեցի, էջ, 84:

⁴⁶ Մարենադարան, ձեռ. թիվ 5619, էջ 101ա, Անեցի, էջ 120, Հովհաննես Սարկավագի մասին Անեցու հայգրւած վերջին րնդեկությունը վերաբերում է վարդապետի մահվանը. «ԵՀԸ (1129) Փոխեցաւ Է Քրիստոս մահուամբ մեծ վարդապետն Սարկաւագն ի Հաղարպ», Մարենադարան, ձեռ. թիվ 5619, էջ 105բ, Անեցի, էջ 129:

կարողար պատմիչի խոսքերը՝ «առեալ վարդապետ զհետ իւր», ոչ մի կասկած չէր ունենա վարդապետի ով լինելու վերաբերյալ: Ուռնայեցին այստեղ նրա անունը չի տալիս, քանի որ Բարսեղից ու Մելիքջաֆից բացի ընդհանրապես ուրիշ մեկի անունը չի նշում: Սակայն հատուկ շեշտում է, որ պատվիրակության կազմում է եղել նաև «վարդապետը», որն այս դեպքում, մեր կարծիքով, Հովհաննես Սարկավագն էր:

Նման ենթադրության օգտին է խոսում նաև հենց Սարկավագի գրածը Մելիքջաֆի մասին: Սամվել Անեցու միջնորդմամբ մեզ հասած Սարկավագի գրության մեջ Մելիքջաֆի մասին նշվում է. «Էր եւ ազատաբարոյ եւ մեծախորհուրդ, այլ եւ տեսիլ մարմնոյն արժանի թագաւորութեան. ըստ որում հեզութիւն ի քաղցրութիւն բարուցն լծակցեալ առնէր սիրելի ամենեցուն, գոր միայն կոչեցից թագաւոր եւ փարթամ: ...Սիրէր զազգս մեր այնքան, մինչ զի աղաթս հայցէր եւ արհմութիւնս, յորմէ եւ անդ երբեմն չոգաւ հայրապետն՝ աւ'ջ թէ միայն էր աշակերտեալ Քրիստոսական կրումից եւ կարգաց»⁴⁹: Այս տողերը գրված են ականատեսի, մասնակցի անմիջականությամբ ու զգացականությամբ:

Կարող է հարց առաջանալ, թե ինչո՞ւ Հովհաննես Սարկավագի վարքում չի նշվում նրա՝ Մելիքջաֆի մոտ զնալու մասին: Բանն այն է, որ վարքը ոչ թե կենսագրության շարադրանք է, այլ «երիցս երանեալ ամենեւորեանիկ» վարդապետին որպես «մարգարէութեան եւ սքանչելեաց»⁵⁰ շնորհ ունեցող սուրբ անձ ներկայացնող գործ, ուր կենսագրական տրվյալները հաճախ երկրորդական են, թեք դրանք չեն կապվում կրոնական, հոգևոր գործերի հետ: Օրինակ, Հովհաննես Սարկավագի մասին հայտնի է նաև Կիրակոս Գանձակեցու վկայությունը, թե վրաց Դավիթ Օհնարար թագավորը սիրով ու ականածանքով էր վերաբերվում նրան, հետիոտն ընդառաջ գնում ու գլուխը խոնարհելով՝ օրհնություն խնդրում՝ «Կարի յոյժ սիրէր զսա թագաւորն Վրաց Դավիթ... այնքան զի մինչ լսէր զգալուստ նորա, յոտն յառնէր և ելանէր ընդ առաջ նորա եւ խոնարհեցուցեալ զգլուխն՝ խնդրէր ի մմանէ օրհնութիւն»⁵¹: Այս մասին, գրեթե նույն խոսքերով պատմում է նաև վրացի հեղինակը՝ ոչ մի կասկած չթողնելով դրա ճշմարտացիության վերաբերյալ⁵²: Սակայն այս իրողության մասին նույնպես ոչինչ չի ասվում Հովհաննես Սարկավագի վարքում:

Վերադառնալով Սարկավագի պատմական թղթերին՝ պետք է նշենք, որ Սամվել Անեցին դրանցից չորս մեջբերում է արել, մինչդեռ Ա. Աբրահամյանը «Հովհաննես Իմաստասերի մատենագրության» մեջ «Պատմության հատվածը Սամուել Անեցուց» վերնագրի տակ միայն երկու հատված է բերել⁵³: Դուրս թողնվածները ծավալով ավելի փոքր, բայց

⁴⁹ Մարենտադարան, ձև. թիվ 5619, էջ 98ր, 100ր, Անեցի, էջ 115, 119: Հնարքբեր է, որ այստեղ և Սարկավագը նշում է հայրապետին, առանց անունը փալու (ինչպես Ուռնայեցին՝ վարդապետին): Ոճի հարց է:

⁵⁰ Ա. Աբրահամյան, Հովհաննես Իմաստասերի..., էջ 121, 124:

⁵¹ Կիրակոս Գանձակեցի, էջ 114:

⁵² «(Դավիթը) սիրել... գոմն իռկորը վարդապետ ի Հաղարա՝ Սարկավագ անուն. խոսքովանել նմա զյանցան իւր եւ կորացուցեալ զպարտական զլուխն՝ օրհնէր ի նման: և նստել ընդ նմա եւ փարէր զպարանոցաւ նորա...»: Լ. Մելիքսեթ-Քեկ, Վրաց աղբյուրները Հայաստանի և հայերի մասին, հ. Ա. Երևան, 1934, էջ 219: Այս պարամական փաստին այլ փաստակցություններ չեն տրվում: Դավիթի վերաբերմունքի մեջ կարելի է տեսնել ոչ միայն հարգանք սրբակյաց վարդապետի, այլև մի հեղինակավոր մարդու նկատմամբ, որն առնչվել է աշխարհի մեծամեծների հետ:

⁵³ Ա. Աբրահամյան, Հովհաննես Իմաստասերի..., էջ 129-130:

նույնպես կարևոր են⁵⁴:

Կարելի է ենթադրել, որ Հովհաննես Սարկավազը, Բարսեղ Անեցու պատվերով⁵⁵ իրեն հաստ աղբյուրներից օգտվելով՝ կազմել է սելջուկների վաղ շրջանի պատմության մասին մի գրություն, որը տեսել է Սամվել Անեցին՝ («տեսաք երբեմն գրեալ սորին ձեռագը, ստոյգ վանորեն գրվել է մինչև Մելիքշահի մոտ մեկնելը (1090 թ): Երկրորդ գրությունը ստեղծվել է Մելիքշահի մահից (1092 թ.) հետո, որից օգտվել է Անեցին:

Պատմիչը Սարկավազին հղելով վերջին հիշատակությունը (առաջին խաչակրության մասին)՝ որել է իր ժամանակագրության 1097 թվականի տակ⁵⁶: Այժմ դժվար է ասել, թե Անեցին արդյո՞ք նույն թղթից է օգտվել այդ տվյալը քաղելիս, թե՞ եղել է նաև պատմական բովանդակությամբ մի այլ թուղթ, որի մեջ ներառված են եղել այս և վերը նշված 1110 թ. Հաղբատում պատահած («Բյոթունում» հիշատակված) դեպքի նկարագրությունը:

Հովհաննես Սարկավազի պահպանված գործերի մի մասի վերնագրերը կամ առաջին տողերը վկայում են, որ դրանք գրվել են տարբեր մարդկանց հարցումներին (խնդրանք-պատվերներին) ի պատասխան⁵⁷: Հավանաբար նույն ձևով են ստեղծվել և պատմական բովանդակությամբ թղթերը:

Փորձենք պարզել, թե ո՞ր թվականներին է Հովհաննես Սարկավազն Անիում գտնվել: Ցավոք նրա կենսագրության հայտնի թվականները սակավ են: Եթե ընդունենք, որ Անիի դպրոցը բացվել է Բարսեղ Անեցու կաթողիկոսության սկզբում, իսկ դա հավանական է, քանի որ ժամանակի մեծ իրադարձություններից էր («եղե... ուրախությին ամենայն Տանն Հայոց, վասն զի տեսին նորոգեալ զԱթոռ հայրապետութեանն ի քաղաքն յԱնի»⁵⁸), և ենթադրում էր Աթոռի հիմնավորումը ամրապնդող քայլեր, որպիսին կարող էր վարդապետարանի ստեղծումը լինել, ապա պետք է 1081 թվականը համարենք Հովհաննես Սարկավազի՝ Անիում հաստատվելու տարին:

Սարկավազն Անիում մնացել է բավականին երկար ժամանակ, որը ճշտելու հնարավորություն է տալիս գրիչ Մարկոսի 1195 թ. հիշատակարանը: Այստեղ խոսվում է ձեռագրի («Կոչումն ընծայութեան Կիրոլի Երուսաղէմացոյ») մախօրիմակի մասին, որը գրված է եղել Անիում, Մայր տաճարի (Կաթողիկեի) սպասավոր Սարկավազ քահանայի (Հովհաննես Սարկավազի) կողմից՝ «...գոր Սարկաւազ քահանայ՝ սպասաւոր Սուրբ Կաթողիկէի մեծի, որ յԱնի, ի բազմաց արիւնակաց, ի ձեռն եւ այլոց գիտնականաց, զաւգտակարսն առեալ հաւաքեաց ի մի դիր եւ շարադրեաց իւրով ձեռամբ ի դիրալուր մտաց եւ գիտութեան»:

⁵⁴ Մարենկայան, ձեռ. թիվ 5619, էջ 88ր, 101ա, Անեցի, էջ, 97, 120:

⁵⁵ Ուշագրավ է, որ Բարսեղից առաջ Անիում աթոռակալած երկու կաթողիկոսները պարմական երկեր են պատվիրել ժամանակի նշանավոր վարդապետներին՝ Սարգիս Ա Սևանցին՝ Սյրվանոս Տարոնեցի Ասողիկին («Պարմութիւն փնեգերական»), Պետրոս Ա Գեղարարձը՝ Հովհաննես Կոզմոնին («Պարմութիւն Բագրապունեանց»), իսկ Բարսեղի հաջորդը՝ Գրիգոր Գ Պաշլավունին, ինչպես նշվեց, Մամվկ Անեցու պատվիրապետն էր:

⁵⁶ Մարենկայան, ձեռ. թիվ 5619, էջ 100ր-101ա, Անեցի, էջ, 120:

⁵⁷ Ա. Արքահամյան, Հովհաննես Իմաստասերի..., էջ 97, 140, 222, 252, 302, 325, 327, Մեսրոպ քին. Արամյան, նշվ. աշխ., 61:

⁵⁸ Ունիայնցի, էջ 236-238:

եան...»⁵⁹:

Հայտնի է, որ Ամիի Մայր տաճարը 1064-ին սելջուկները մզկիթի էին վերածել: Այն կրկին օծվեց 1124 թ., երբ վրաց Դավիթ Օիմարար թագավորը գրավեց Ամին: Թեև 1126-ին մա հարկադրված քաղաքը վերադարձրեց Օեդդադյաններին, բայց պայմանով, որ Կաթողիկեն մշտապես պետք է հայերին պատկանի: Փաստորեն, Հովհաննես Սարկավազը Ամիի Մայր տաճարում կարող էր սպասավորել միայն 1124 թվականից հետո:

Այսպիսով, եթե ընդունենք, որ մա Հաղբատից Ամի է եկել 1081 թվականին, ապա այս հիշատակարանի շնորհիվ կարող ենք ասել, որ քաղաքում է մնացել մվազագույնը մինչև 1124 թվականը: Ահավասիկ այս շուրջ չորս տասնամյակը գերազանցող ժամանակաշրջանը մկատի ունենալու դեպքում միանգամայն հասկանալի են դառնում վարքագրի՝ Հովհաննես Սարկավազի մասին ասած խոսքերը, թե մա իմաստության գամները բերում էր «ի քաղաք իւր եւ տեղի սմնդեան՝ ի քաղաքամայրս Ամի»: Մ. Արեղյանը գրում է, թե հիշյալ խոսքերից կարելի է եզրակացնել, «որ Սարկավազ վարդապետն Ամեցի է եղել: Բայց մրա ծնողները կարող էին Փառիսոս գաւառից լինել և Հովհաննեսի մատաղ մամկության ժամանակ Ամի տեղափոխված, և Հովհաննեսն այստեղ մեծացած ու սնված, ուստի և Ամին մրն համար կարող էր համարվել «քաղաք իւր և տեղի սմնդեան»: Այդպիսի եղելությունները ոչ սակավ են»⁶⁰:

Կարծում ենք, որ ամիական ողջ շրջանում Հովհաննես Սարկավազը սերտորեն կապված է եղել ման Հաղբատի հետ, որպես այդ վանքի միաբան⁶¹: Դա մի ժամանակ էր, երբ Ամին, Հաղբատն ու Սամահինը վեր էին ածվում Հայ Եկեղեցու ինքնուրույնությունն ու ավանդության ամփոփությունը պաշտպանող գաղափարական կենտրոնի, որի հայրենասեր գործիչներն ավելի ուշ կոչվեցին «Հայոց հյուսիսային կողմանց վարդապետներ» կամ «արևելյան վարդապետներ» ընդհանուր անվանումով:

Հովհաննես Սարկավազի գործունեության ամիական շրջանը մրան մերկայացնում է ոչ միայն որպես ուսուցիչ, գիտնական, արդյունաշատ հեղինակ, այլև երկրի ապագայով մտահոգ գործիչ: Ավելի հասկանալի են դառնում մրա երկերում առկա հայրենասիրական տողերը: Կիրակոս Գամակեցին մշում է, որ Սարկավազը «արար շարական Ղևոնդեանցն քաղցր եղանակաւ և յարմար բանիւ...»⁶²: Իսկ այդ խոսքերում հեղինակն Աստծուց խնդրում է ժողովել Հայ Եկեղեցու ցրված զավակներին, արտասուքն աչքերին երկրից

⁵⁹ Ա. Արրահամյան, Հովհաննես Իմաստասերի..., էջ 126, հմմտ. Ե-ԺԲ դդ. հայերեն ձեռագրերի հիշատակարաններ, էջ 282: Հիշատակարանի բովանդակությունը կապված չի թողնում, որ խոսքը Հովհաննես Սարկավազի մասին է, որի սովորությունն էր հայտնի հեղինակների գործերի համեմատական ճշգրտումն ու մապցելի վերաշարադրումը: Այն, որ մեր հեղինակը կոչվում է քահանա, անսովոր չէ, քանի որ այդպես է անվանվում նաև իր մի շարք աշխատությունների խորագրերում «Յովհաննու քահանայի յաղագս անկիւնաւոր թուոց», «Յոհաննու քահանայի յաղագս եղանակաց եւ տրանից եւ քանիաւնութեան ամաց...», «Յոհաննու քահանայի առ Սարգիս, վասն տաղիցն» և այլն: Ա. Արրահամյան, Հովհաննես Իմաստասերի..., էջ 148, 252, 327, 330, Մխրթալ քին. Արամյան, նշվ. աշխ., 55:

⁶⁰ Մ. Արեղյան, նշվ. աշխ., էջ 446:

⁶¹ «Հաղբարի առաջնորդ են համարել... Հովհաննես Սարկավազին, բայց այդ չի հաստատվում մարենագրական և վիճակիր արձանագրությունների տվյալներով»: Կ. Ղաֆաղարյան, Հաղբար, Երևան, 1963, էջ 275:

⁶² Կիրակոս Գամակեցի, էջ 113:

տարագրվածներին (վարատվածներին), և փրկել նրանց. «Հեղմամբ արեան սրբոց Քոյ Բօտապետաց զեկեղեցոյ Քոյ ցրունալ մանկունն ժողովեալ՝ յուրախութիւն, ըզվարատեալս տրտմութեամբ եւ արտասուաց յորդահոս բըղխմամբ փրկութեան մերոյ պարգեաց բաշխող»⁶³:

Իսկապես ողբերգական ժամանակի պարտադրանքով են գրված այս խոսքերը, որոնք եկեղեցում կատարվող կրոնական երգին մի նոր իմաստ են հաղորդում: Մ. Աբեղյանն այս առնչությամբ գրում է. «Սարկավագ Վարդապետի այս աղոթքը շատ փոքր, իր ձևով շատ հասարակ..., բայց իր բովանդակությամբ մեծ ու վսեմ է և անկեղծորեն բխած լինելով իրականությունից, խորն ազդու է մանավանդ, երբ իր «քաղցր եղանակով» երգվում էր եկեղեցում...»⁶⁴: Ի մի բերելով հայ գրականության հիշյալ շրջանի պատկերը՝ նա ավելացնում է. «Եւ ահա ծնվում է ցրված հայ ժողովրդին ի մի հավաքելու և փրկելու ձգտումը որոշ գաղափարախոսությամբ, որի առաջին արտահայտիչը գրականության մեջ՝ է մեծիմաստ Սարկավագ Վարդապետը»⁶⁵:

Այսպիսով, վանական միաբանության գրկում ուսում առած և գիտությամբ զորացած Հովհաննես Սարկավագը, գալով «իր քաղաքը» Անի, ծառայեց որպես ուսուցիչ, կազմեց ու խմբագրեց դասագրքեր, դարձավ տոմարի բարեփոխիչ, առնչվեց ժամանակի հզորների հետ, բայց և ապրեց ժողովրդի հոգսերով: Նրան շատերն են կոչել իմաստասեր, սովեստեւ, սուրբ վարդապետ, իսկ մահվան մասին նշելիս Կիրակոս Գանձակեցին գրում է. «Եւ այսպիսի բարոյք քաղաքավարութեամբ կեցեալ յաշխարհի՝ փոխեցաւ ի Քրիստոս աշխատաւորն ի Հաղբաւ»⁶⁶:

⁶³ Մ. Աբեղյան, նշվ. աշխ., էջ 71:

⁶⁴ Նույն տեղում, էջ 71-72:

⁶⁵ Նույն տեղում:

⁶⁶ Կիրակոս Գանձակեցի, էջ 115: